

devotionis moti affectu honorabilibus viris domino .. praeposito canonicorum regularium sanctae Aefrae in Mysna et suo monasterio quinque talenta et dimidium pensionis annuae, ubicunque eadem in nostro dominio sua pecunia comparaverit, appropriare volumus et debemus, et nihilominus praesentibus promittimus favorabiliter et spondemus praesentibus et testibus nobiles Vlrico comite de Hoinstein, Johanne comite de Swarczpurg domino in Lichtenberg, Fridrico de Wangeheim nostro marschalco, Cristiano de Wiczeleiben iudice curiae, Johanne de Milticz militibus, pluribusque aliis fide dignis. Datum in Cella, anno domini millesimo quinquagesimo septimo in die beati Petri ad vincula, nostro sub secreto praesentibus in testimonium coappenso.

Nach dem Orig. im K. Haupt-Staatsarchiv zu Dresden mit dem kleinern Siegel des Landgrafen an einem Pergamentstreifen.

No. 213. 1360. 1. Dec.

Der Probst und Convent bekennen nothgedrungen Geldzinsen zu Niederjahna zu Abhaltung von vier Jahresgedächtnissen in ihrer Kirche verkauft zu haben.

In nomine domini amen. Nos Vlricus praepositus, Conradus prior, Conradus de Lipczk, Peczoldus de Gorlicz, Theodericus Prauczicz, Heinricus Brasiatoris, Nicolaus de Henkindorff, Petrus Heyde, Franciscus de Jockerim, Laurentius de Wylensdorff, Johannes de Ossacz canonici regulares monasterii sanctae Aefrae in Mysna nunc in capitulo existentes tenore praesentium publice profiteamur, quod nos pro arduis negotiis videlicet debitis ecclesiae nostrae solvendis et annonis ratione expensarum comparandis discretis viris dominis scilicet Burchardo rectori capellae sanctae Margarethae in castro et Theodorico magistro quondam hospitalis nec non Henrico de Lays, perpetuis vicariis ecclesiae Mysnensis tres solidos grossorum situatos in villa Kayne annui census, in bonis Henczelini Rencz XXXIII gr. et Johannis circa Ripam III gr. in dicta villa residentibus, qui dictum censum in festo sancti Michaelis dare et solvere consueverunt, vendidimus pro octo sexagenis latorum grossorum iusto emptionis et venditionis titulo interveniente perpetuo duraturo. Qui quidem domini, videlicet Burchardus rector capellae supradictae et Theodericus quondam magister hospitalis et Henricus de Lays perpetui vicarii ecclesiae Mysnensis supradictae, praedictum censum in iam dicta villa Kane magistro infirmariae praefatae ecclesiae sanctae Aefrae assignaverunt tali conditione, ut nos in anniversariis post obitum saepe dictorum dominorum et beatae memoriae domini Johannis quondam plebani in Miltitz vigiliis et missas pro defunctis teneremus. Quos anniversarios promittimus praesentibus servaturos, ita tamen, quod dictus magister infirmariae, vel qui pro tempore fuerit, in quolibet anniversario pro novem grossis dominis servicium procuret. Ad cuius rei evidentiam sigilla nostra praepositi et capituli duximus apponenda. Datum et actum anno domini M^o CCC^o LX^o kalendas Decembris praesentibus discretis viris domino Johanne Storman pro tunc officiali praepositurae Mysnensis, Petro dicto Prauczicz et Johanne Dypolswalde pro tunc rectore scholarium scholae sanctae Aefrae et aliis fide dignis.

Nach dem Chart. monast. s. Aefrae I. fol. 11^b u. II. 36.